

Comié



"Al slomini sora de nos Signur, la löm de to müs"

La comunité tol comié da Marianna Lechner vëd. Trebo, co s'á lascé con 72 agn, y da Rosa Mattiatio vëd. Dalla Santa, co s'á lascé con 90 agn. Ai familiars les condolanzas plü sontides. Che ares pásli tla pêsc y tai brac de Chël Bel Dio.

Enformaziuns y Comunicaziuns



Oferta d'Advënt: Cösta domëgna vëgnel coü adöm tles dljies de nosta diozeja la oferta d'Advënt, en sëgno concret dal liam dai cristiagn con la Dlijia locala. Dal 2021 él gnü ete la bela soma de 79.930,28€. Belo damperfora en iolan a dotes y düc por la oferta che i fajarëis ince eniann.

Trëi Rësc: Al vën ciamó chirí valgünes porsones co se mët a desposiziun da acompagné i grups dai Trëi Rësc. An vá ai 4 y 5 de jená 2023 y da jí fossel dagnora mâ önn en dômsidé, dales 13:30 ales 18:00 zirca. Iolan sce i se lascëis adentëne pa Pablo al 333 4762010.

KVV Senioreclub: En dedemesaledema ai 14 de dezëmber ales 3 dômsidé él te dljia le Rorate por i Seniore, abelí dal cor dal Senioreclub.

Conzert: La Scora de Musiga Val Badia enviëia a en conzert da Nadé, en dedemesaledema ai 21 de dezëmber ales 18:00, te dljia de Badia. Al sona mitans y mituns dla scora de musiga.

Esposiziun de cripeles: Le Consëi de Formaziun da Rina enviëia ala esposiziun de cripeles, te salff dles manifestaziuns da Rina. Cösta domëgna ai 11.12. ales 16:00 él la daorida con benedisciun. Enló sarál ince en marcé a fin de bën, con cornisc musicala y i „Pici Platleri“ da Rina. Por mangé y bëre fistidiëia la Musiga da Rina. La mostra é ciamó daverta ai 17 y 18 de dezëmber dales 16:00 ales 20:00.

Bonus energia - KVV: La Provinzia i dá a families y porsones sores en contribut de 500,00€ por daidé paié le strom. Cösc bonus ciafa residënc co á na bolëta dal strom a so ennom y co á en davagn (ISEE) sot i 40.000,00€. **Al é temp da fá domanda fina ala fin de merz 2023**, mo al vën aconsié da prenoté belo atira en apuntamont dal KVV al numer 0471 080730 (ince online sön www.mycaf.eu - da jená ennant) o zonza da s'oje a en ater patronat.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann A

11.12.2022 - Terza domëgna d'Advënt
Gaudete - Ralegrése!

nr. 03

Este tö chël co dess gní?

Dal Vagnele do San Mateo 11, 2-11

Te chël tomp 2^a Jan aldí te porjun dles operes de Crist. Sön chëra ál orcé sù discepui da d'ël 3^y ti á dit da le damané: Este tö chël co dess gní, o messunse nen aspeté en n'ater? 4Gejú ti á rospognü: Jide y cuntedi a Jan ci ch'i aldís y odëis: 5I verc vëiga endò, i paralisês vá, i levrusc vën nëc, i surc alda; i morc ressorësc, y ai püri ti vëgnel encündé le vagnele. 6Beât chël co ne se scandalisëia nia de me. 7Dò ch'ai s'an ea jüs, á Gejú motü man da ti baié ala meja de Jan; al dijea: Ci orëse pa odëi, canch'i èse jüs fora tal desert? En fostü mené dal ont? 8O ci orëse pa odëi, canch'i èse jüs fora? En ël t'en iestimont fin? Chi co porta guanc fins ciafun tai palasc dai rësc. 9O por ci èse pa jüs fora? Por odëi en profet? Poa, i ves diji: I ëis ince odü val' deplü co en profet. 10Ël é chël, de chël ch'al vën dit tla Scritöra: I te mëni mio anunziadú danfora; al dess arjigné le tru por te. 11Amen, cösc ves diji: Danter la jont ne n'él sté degügn plü gran co Jan Batista; mo le plü picio tal rëgn dal cí é plü gran co ël. **Parora dal Signur. Lalt a te, Gejú Crist!**



Se confortunse a Chël co vën?



3. Domëgna d'Advënt: Aspeté con ligrëza - Ai mituns ti conësciun gonot ciamó sora la ligrëza por le Nadé co á da gní. Y co se stára pa pa nos cristiagn adulc con la ligrëza? Sunse ciamó bogh da nes conforté al Nadé?



Ralegrése!

Nos se confortun da ti aspeté a valgügn che i án dër ienn. Ligrëza danfora toca ince pal Advënt, ara s'enviëia da daorí nosc cör por chi co vir con nos y por Chël Bel Dio. Mo nia mâ nos aspetun, ince Chël Bel Dio nes aspeta. Ël aspeta che nos ti daoriunse nosc cör a so amur y a sòa vijinanza. Ël é atló, sën, tla ligrëza y tal dolur, te nosta vita da vigne dé. Da Nadé festejunse cösc „ester con nos de Chël Bel Dio“ te na manîra particulara. Dio ò se encunté desco porsona te Gejú. So ennom é Emanuel, co ò dí: Dio con nos. Na rajun da se ralegré - ince belo encö!

Edema liturgica dai 11.12. ai 18.12.2022

DOM 11.	Terza domëgna d'Advënt "Gaudete"	<i>Damasus I., Tassilo III., David, Artur</i>
06:30	gran mëssa a La Pli	
9:30	corona por +nta Maria Teresa Kastlunger corona por +nta Marianna Lechner Trebo	
10:00	gran mëssa por dōta la ploania <i>oferta d'Advënt por la diozeja</i> LAD 2. requiem por +nta Maria Teresa Kastlunger (Linda) 2. requiem de sepoltōra por +nta Marianna Lechner Trebo +nc' de Angelo y Anna Palfrader - +ntes Angela y Emma Maneschg ad intenziun por na familia	
15:00	s.m. a Rina	
Lön 12.	<i>beat Hartmann da Porsenú, memoria de Santa Maria da Guadalupe</i>	
14:00	s.m. de sepoltōra por +nta Rosa Mattiato Dalla Santa	
19:30	Rorate a La Pli	
Ded 13.	<i>Lucia (Lizia), Ottilia</i>	
07:30	s.m. a Antermëia	
19:30	corona	
Dem 14.	<i>Jan dla Crusc, Franzisca</i>	
14:00	Rorate por i Seniorenen (Seniorenen) LAD	
Jöb 15.	<i>Cristiana, Nina, Maria Cruzifixa</i>	
19:30	s.m. a Rina	
Ven 16.	<i>Adelheid, Dietrich, Albina</i>	
15:00	Corona	
19:30	Rorate por i Jogn – Scora Elementara (Mituns da scora) LAD +nta Ida Oberbacher Zardini - +nta Antonia Lanz Miribung +nc' dla familia Taibon Brugger	
Sab 17.	<i>Lazaro da Betania, Iolanda</i>	
19:30	Rorate a La Pli	
17:30	corona	
18:00	Rorate por le KVV y Vinzensverein (Eduard orghi) ITA 2. requiem de sepoltōra por +nta Rosa Mattiato Dalla Santa dal ann por +nt Eckhard Taibon dal ann por +nt Franz Ties da Ras +nc' Mario y Maria Rubatscher – Florian, Maria y Toia Huber +nc' Pramstaller Paula y Heinrich por familia Alton y Feichter	
DOM 18.	Cuarta domëgna d'Advënt	<i>Filip, Grazian</i>
06:30	gran mëssa por dōta la ploania <i>oferta por la ploania</i> LAD 3. requiem de sepoltōra por +nta Maria Teresa Kastlunger 3. requiem de sepoltōra por +nta Marianna Lechner Trebo +nt Carlo Willeit – vís y +nc' dla familia Trebo Cone da Val	
8:15	Rina: (Cor dai Èi)	
10:00	gran mëssa a La Pli	

50 agn Consëis de Cōra - Iolan



Ai 3 de dezëmbër dal 1972 él te nosta diozeja gnü lité le pröm iade i consëis de cōra. Le pröm iade podea i laics, èi y ères, jogn y jones, tó pert ativamonter y daidé organisé y manajé la vita dla ploania.



AL É STÉ LE DÈR VARE

Sc'i fajun sèn dô mez seco en bilanz y ciarun zoruch tai agn, podunse dí che **cösc é sté le dèr vare.**

Aldédaincō ne fossun gnanca bogh da s'enmaginé la vita dla cōra zonga en so Consëi, co á na **emportanza tres maiú - i podun dí fundamentala** - sce i conscidrun nia tan la ciarestia de prèi, mo plütosc la partezipaziun dai laics ala vita dla dlíja y le partí responsabilitès, vijijuns y dezijijuns. Con l'ann 2019 él te nosta diozeja gnü motü sö i **Teams pastorai**, por ciaré da partí sö miú les responsabilitès y ativitès dal Consëi, co vèn sèn coordinades da grups co se sorantol en ciamp particular.

Cina sèn él gnü motü sö **11 consëis de cōra**; le pröm ea gnü lité por 3 agn (dal 1972 al 1975) y spo él sté lites vigne 5 agn; tal 2010 é le consëi romagnü en ciaria por 6 agn, por la secunda Sinóda diozejana (dal 2013 al 2015).

I CONSËIS DE CÖRA - EN GRAN VALUR

La Diozeja á fat **fiesta de iudileo ai 3 de dezëmbër**, tla Academia Cusanus da Porsenú, olache le vësc Ivo Muser á alzé fora le gran valor dai consëis de cōra, y á perié i presidënc da dé ennant söes parores de rengraziament a chës porones co é y co é stades, te consëi de ploania. **Porchël él dèrt da recordé y rengrazié, vignönn y vignöna de chës porones co s'á te chisc 50 agn motü a desposiziun, y á dé so contribut por le bun funzionament de nosc consëi de cōra y de aministrazion.** Al é en sorvisc de volontariat scialdi impegnatif, fat con idealism, impëgn, y con spirit cristian, olache vignönn y vignöna s'an tol sora de so proscimo. Dlungia duc i aconsiadus y les aconsiadësses, scrivans y scrivanes, oressi alzé fora le laür dai presidënc y dla presidënta co é stës chisc agn: **Guido Clara** dal 1972 al 1985; **Herbert Complojer** dal 1985 al 1995; **Annalisa Mocellin Marcocci** dal 1995 al 2000, **Iaco Frontull** dal 2000 al 2005, **Pablo Palfrader** dal 2005 al 2015, **Carlo Suani** dal 2015 encá. Mio iolan ti vá sambën a dōtes y a duc i mēmbri dai consëis da denant, por ci che ai á fat a bēn dla ploania y dla comunité.

Fora dal discurs dal presidēt Carlo Suani, ai 4.12.2022

Sorvisc dai Ministronc

Vendres 16/12 (19:30h): Jimmy Call, Emma Irsara, Andy y Lisa Ploner, Jonas Rindler, Damian y Matthias Winkler;

Sabeda 17/12 (18:00h): Emily Agreiter, Diana, Madalena y Matthias Deval, Anja, Emil y Paul Ellecosta, Melanie Feichter;

Domëgna 18/12 (06:30h): Anna Promberger, Angela Trebo

N.B.: Duc i ministronc é entres begnodüs da gní a sorví, ince sce ai n'é nia scric sö!

